

1590

XX.

AD SECUNDUM dicimus, quod cum ad divinam potentiam non solum spectet posse simul facere quamcunq; rem possibilem, sed etiam non posse exhaustiri quod dicunt, sed posse semper efficere quantumvis multa vel magna prius effecerit. Ideò cum Suarez dicitur d. 30. p. 17. d. 16. cum dicitur DEUM posse omne possibile, id dupliciter posse intelligi, uno modo *divisim seu sigillatim*, quamcunq; rem, vel etiam finitam multitudinem possibilem, & sic simpliciter verum esse absq; ulla distinctione; secundo collectivè atq; sic neq; necessarium, neq; verum, cum in hoc quod possit quodcumq; istorum facere, cum omnibus alijs possit involvi repugnantia, quæ in singulorum productione minime involvitur. Denique AD TERTIUM cum quaeritur an Deus posset facere rem infinitam & meliorem, quamquod fecerit? quoad prius, si intelligatur infinitum in essentia simpliciter, absolute, ac evidenter falsum est, cum hoc pacto creatura ipsa statueretur omnipotens, quæ seipsum possit producere. Imò quæ æqualis virtutis cum DEO ipsi possit resistere. Sin autem intelligatur infinitum intentione, magnitudine, aut numero, illud absolute & formaliter ad Omnipotentiam Dei non pertinet, sed solum sub ea conditione, an illud ex se sit possibile, seu non involvat repugnantiam. Quoad posterius ante omnia inter potentiam absolutam & ordinatam distinguendum est. Hæc enim cum referatur ad aliud quodpiam attributum Dei, puta sapientiam, justitiam, saepius non dicitur posse ea, quæ tamen absolute divinâ potentiam concedenda sunt. Atq; hinc de uno quolibet facile potest sumi judicium.

XXI.

In primis vero cum potentia hæc Dei in tribus conspiciatur actionibus, CREATIONE, CONSERVATIONE, ET GUBERNATIONE propterea dicimus quod Deus SIT PRINCIPIVM, ET CAUSA PRODUCENS, CONSERVANS, ET GUBERNANS OMNIA. Verum tamen cum potissimum ea omnia quæ humana ratio in Deo, ejusq; essentia, & attributis ad creaturest relatis concipit, consideraverimus: Hæc vero peculiaria ad creaturest collata sint Dei opera, His ipsis disputationes nostras DE NOTITIA DEI NATURALI concludimus, ipsi dicentes laudem honorem, & gloriam.

FINIS.

Coll. diss. A. 49, misc. 35